

REGIONAL NEWS UNIT

ALL INDIA RADIO GANGTOK

BHUTIA NEWS BULLETIN

BROADCAST: 18:50 HRS

DATE: 24/04/2025

SIKKIM – CM – AGNIVEER

འབྲས་ལྗོངས་ གཞུང་གི་ མངའ་ཁྲེ་ ཕུ་ལི་སི་ གཡོག་གོ་སྐབས་ ན་ Agniveer དམག་མི་གི་ ཉོན་ལས་ རྒྱ་ཆ་ ༢༠% གི་ སྤྱང་སྤྱོད་ བྱས་ཤང་ ཐག་བཅད་ ལོན་ ཡོད། སྤང་རྟོག་ ན་ ད་རིང་ བཞག་མཁན་ ལས་རིམ་ ན་ འདིའི་ ཐག་བཅད་ གནང་བཞིན་ གཙོ་བྱི་ སློན་པོ་ Prem Singh རྟ་དམག་གི་ མངའ་ཁྲེ་ ཕུ་ལི་སི་ བྱག་ན་ མན་འདྲ་བོ་ གས་ ན་ ཉོན་ཀོ་ དམག་མི་ ལུ་ ལོ་ གཡོག་ ན་ བཅུག་ཤང་ སྐབས་ ན་ ལོ་ ༡༠ གི་ ལོ་ཚད་ ཁྱབ་སང་ བྱིན་ཤང་ ཐག་བཅད་ བྱིན་ ཡོད། མངའ་ཁྲེ་ གཞུང་གི་ གཡོག་ ལས་ དགོན་ཁུ་ ཡང་ ན་ retired ཐོན་མཁན་ དམག་མི་ ལུ་ ཉོན་ལས་ ཚོང་ རྒྱབ་སང་ ཐུབ་སེམས་ ཡོད་མཁན་ དམག་མི་ ལུ་ ལོ་ ཚོང་བྱིམ་ བྱིན་ཤང་ སྐྱེལ་བས་ རྟ་དམག་གི་ གསུང་བོ་ ཡིན།

NATIONAL PANCHAYATI RAJ DAY

འབྲས་ལྗོངས་ མངའ་ཁྲེ་ ཐོན་ཕྱི་ ལོ་ ༥༠ ལོང་བའི་ དགའ་ལྷ་ དུས་སྐབས་ དོན་བཞིན་ རྫོང་ཁའ་ ཚྲྭ་བཟུ་ ཁང་ མན་གན་ ན་ ལས་རིམ་ ཅིག་ བཞག་ཀོ་ སྤྱུག་ Mangan Zilla Panchayat MDZP གི་ ད་རིང་ རྒྱལ་ཁབ་ Panchayati Raj ཉིན་ ཅིང་སྤང་ བྱས་པོ་ ཡིན། ལས་རིམ་ གི་ མགོ་ཡིག་ ཡུང་རིང་ ཡར་རྒྱས་ དང་ རུས་ཤུར་ ལབ་ཏི་ བཞག་ཀོ་ སྤྱུག་ རྫོང་ཁའི་ Adhakshya Kado Lepcha ལས་རིམ་ འདི་ ན་ སྐྱེད་དོན་ གཙོ་བོ་ ཐོན་ བཟུང་བོ་ སྤྱུག་ཁོང་གི་ རྫོང་ཁའི་ Panchayat གི་ འབྲས་མི་ ལུ་ ལོ་ དགའ་ལྷ་ གནང་བཞིན་ ཉིན་ འདི་ གཅིག་ དུས་ཚོད་ བཅུག་ཀོ་ མ་ཐོན་བ་ སྤྱི་ཚྲྭ་ ཡར་རྒྱས་ དོན་ལས་ ཁོང་ ལུའི་ ཐུ་མཐུད་ ཏི་ ཐབས་ལམ་ ལུ་ ལོ་ དགའ་ལྷ་ འབྲན་ཤང་ དུས་སྐབས་ ཡང་ ཡིན་པོ་ གསུང་ འདུག། ཉིན་ འདི་ གི་ ཡུང་རིང་ བསམ་སྦྱོ་ ལོ་ གཞིའི་བཞིན་ ཤིང་ལུ་ བཅུག་ཤང་ འཆར་གཞི་ ཡང་ བཞག་ཀོ་ སྤྱུག་ མངའ་ཁྲེ་ ན་ གེམ་ མན་འདྲ་བོ་ ལས་རིམ་ ལུ་ གཞན་ ས་གནས་ ན་ བཞག་ཀོ་ སྤྱུག་ ག་འདི་ ན་ ཡུལ་ཁའི་ ཚྲྭ་བོ་ ལུ་ དང་ ར་ཅ་ གཡོག་ལུ་ བྱས་ཤང་ དོན་ལས་ Panchayat ལུའི་ རྒྱལ་ཆེན་ ཕུག་ལས་ སྐར་ལས་ ཤེས་ཡོན་ ཕུལ་བོ་ སྤྱུག་ འབྲས་ལྗོངས་ ན་ Panchayati Raj སྐར་ལས་ གསུང་ཤང་ གནང་བཞིན་ བྱང་སིབ་ ཡར་རྒྱས་ ལས་ལག་ དོན་བཞིན་ Panchayati Raj གི་ Director འདོན་ KC Dahal གི་ གསུང་བོ་ ཡིན།

GOVERNOR – MILITARY CIVIL FUSION

འབྲས་ལྗོངས་ གི་ སྤྱི་ཚུལ་ སྐྱེལ་བས་ Om Prakash Mathur གི་ ད་རིང་ Chintan Bhawan ན་ བཞག་མཁན་ དྲ་བ་ Military Civil Fusion Convergence Capsule ༢༠༢༥ གི་ རྫོང་ཁའི་ ལས་རིམ་ ན་ སྐྱེད་དོན་ གཙོ་བོ་ ཐོན་ བྱོན་པོ་ ཡིན། དུས་སྐབས་ འདི་ ན་ འབྲས་ལྗོངས་ གི་ གཙོ་བྱི་ སློན་པོ་ སྐྱེལ་བས་ Prem Singh རྟ་དམག་ སྐྱེད་དོན་ རྒྱལ་ཆེན་ ཐོན་ ཨོ་ཁར་ བཟུང་བོ་ ཡིན། རང་ གི་ གསུང་ཤང་ ན་ སྤྱི་ཚུལ་ གི་ Pahalgam ན་ terrorist གི་ རྒྱུན་དན་ ན་ མི་ འགྲོངས་མཁན་ ལུ་ ལོ་ ཐུབ་གསོ་ སློན་ལམ་ ཕུལ་བོ་ ཡིན། དང་ ཁོང་ ལུའི་ ཟ་ཚོང་ ལོ་ རྒྱབ་ཀོད་ སློན་ལམ་ འབྲན་པོ་ ཡིན། ཁོང་ གི་ འབྲས་ལྗོངས་ ན་ ཐབས་ཆེ་ གི་ མན་འདྲ་བོ་ འགན་ལེན་ ལུ་ སྐར་ལས་ འབྲེལ་ཤང་ བཀའ་སྐབ་ གནང་བོ་ ཡིན། ལོ་ ༢༠༢༧ སང་ལྷེ་ རྒྱ་གར་ ལོ་ ཡར་རྒྱས་ ཆེན་པོ་ བཟོ་ཤང་ ཉིང་ལམ་ ལོ་ རྒྱབ་ཤང་ དོན་ལས་ མངའ་ཁྲེ་ མི་སར་ ལུའི་ ཕུག་ལས་ རྒྱལ་ཆེན་ ཡོད་པོ་ སྐར་ལས་ གསུང་བོ་ ཡིན།

NAMCHI – SPECIAL GRAM SABHA

རྩ་མེ་ རྫོང་ཁ་ དོན་བཞིན་ Salghari བྱང་སིབ་ འཛིན་རྫོང་ ལས་ཁུངས་ གི་ རྒྱལ་ཁབ་ Panchayati Raj ཉིན་ ༢༠༢༥ གི་ དུས་སྐབས་ ན་ འདི་ སྐར་ལས་ ད་རིང་ རྒྱལ་ཆེན་ Gram Sabha བཞག་ཀོ་ སྤྱུག་ Panchayat གཙོ་འཛིན་ Tshering Tamang གི་ ཚྲྭ་བཟུ་ འདིའི་ དབུ་ཁྲི་ གནང་བོ་ སྤྱུག་ ཚྲྭ་བཟུ་ ན་ བྱང་སིབ་ Panchayat ཡུལ་ཚྲྭ་ གི་ གཞན་ རྒྱལ་ཆེན་ ལུ་ ལུ་ ཡང་ ད་རིང་ ངོས་ལེན་ ཕུལ་བོ་ སྤྱུག་

ONE NATION, ONE ELECTION

ཐེ་ལི་ གསར་པོ་ ན་ ཡོད་མཁན་ མིང་ཆེན་ Dr. B.R Ambedkar International Centre ན་ གདང་ བཞག་མཁན་ རྒྱལ་ཁབ་ གཅིག་ འོས་ཤོག་ གཅིག་ སྐར་ལས་ རྒྱལ་ཁབ་ གས་ གི་ གཅིག་ རྒྱལ་ཆེན་ Seminar ན་ འབྲས་ལྗོངས་ མངའ་ཁྲེ་ ལས་ ༩ ཐབས་བ་ རྟེ་ ཀོ་ ཅན་ སློབ་ཕུག་ འགོ་པོ་ ལུ་ གི་ ཁྱད་ལེན་ ཡོད། ག་ འདི་ གི་ འདི་ རྒྱལ་ཆེན་ རྒྱལ་ཁབ་ འབྲེལ་བའི་ མགོ་ཡིག་ སྐར་ལས་ མན་འདྲ་བོ་ བྱང་རྟོན་ དང་ བསམ་སྦྱོ་ ལུ་ ཕུལ་མཁན་ གཅིག་ གོ་སྐབས་ ཕུལ་བོ་ སྤྱུག་ ལས་རིམ་ ན་ དབུས་གཞུང་ ལ་ཁྱད་ སློན་པོ་ Shivraj Singh Chauhan དང་ ཤེས་རིག་ སློན་པོ་ Dhamendra Pradhan བཟུང་བོ་ སྤྱུག་ གཉིས་གར་ སློན་པོ་ ལུ་ གི་ རྒྱལ་ཁབ་ གཅིག་ འོས་ཤོག་ གཅིག་ རྒྱལ་ཆེན་ དགོས་གལ་ སྐར་ལས་ འབྲེལ་ཤང་ གནང་བོ་ སྤྱུག་ རྒྱལ་ཁབ་ གི་ རང་དབང་ ད་གྲུ་ དང་ ཡོང་དོམ་ ཡར་རྒྱས་ དོན་ལས་ འདི་ རྒྱལ་ཆེན་ སྐར་ལས་ ཁྱབ་སང་ ལུ་ སྐར་ལས་ ཡང་ ཁོང་ ལུ་ གསུང་བོ་ སྤྱུག་འདི་ རྒྱལ་ཁབ་ གས་ ན་ འབྲས་ལྗོངས་ ལས་ ཁྱད་ལེན་མཁན་ སློབ་ཕུག་ ལུ་ ཡིན་ - འབྲས་ལྗོངས་ གཙུག་ལག་ སློབ་ལྷན་ ན་ Mass Communication སློབ་ཆེན་ སློབ་ཕུག་ རྒྱལ་ཁའི་ གི་ Krishna Kumar Bhaun, དང་ Ramjas College Delhi University གི་ སློབ་ཕུག་ སྤང་རྟོག་ གི་ Lokshya Shaurya Agrawal ཡིན། ད་ལྟོ་ རུབ་རྟང་གལ་ གི་ Malta ན་ B.Ed གི་ སློབ་ཕུག་ mansari Soreng ལས་ Samir Chettri ལུ་ ཡིན། འདི་ སློབ་ཕུག་ འགོ་པོ་ ལུ་ གི་ བྱང་རྟོན་ ཁ་ཆད་ ལས་རིམ་ ན་ ཁྱད་ལེན་ ལུ་ རྒྱལ་ཁབ་ གི་ འོས་ཤོག་ གཅིག་ གི་ སྐར་ལས་ འབྲེལ་ཤང་ ཤེས་ཡོན་ ལུ་ ཐོབ་ འདུག།

SKM – PAHALGAM CONDOLENCES

SKM ཚྲྭ་བས་ J&K གི་ Pahalgam ན་ ཐོན་མཁན་ འཛུལ་ལྷ་ terrorist རྒྱུན་དན་ ན་ འགྲོངས་མཁན་ མི་ལུའི་ ར་ཚོང་ ལུ་ ལོ་ བྱང་ན་ འབྲན་ཕྱི་ ཐུབ་གསོ་ ཕུལ་བོ་ ཡིན། SKM ཚྲྭ་བའི་ གཙོ་འཛིན་ དང་ འབྲས་ལྗོངས་ གི་ གཙོ་བྱི་ སློན་པོ་ སྐྱེལ་བས་ Prem Singh རྟ་དམག་གི་ འདི་ terrorist རྒྱུན་དན་ གི་ དམ་ལྷ་ ངོ་ལོག་ གནང་བཞིན་ ཐུབ་གསོ་ འབྲན་ཡོད། དཀའ་ངལ་ གི་ དུས་སྐབས་ འདི་ ན་ SKM འདི་ J&K གི་ མི་སར་ མཉམ་སྦྲེ་ ཀྱང་ ལོང་ ཡོད་ དང་ terrorist ངོ་ལོག་ ན་ རྒྱལ་ཁབ་ གི་ དམ་ལྷ་ ཐབས་ལམ་ ལོ་ རྒྱབ་སྤྱོད་ ཡོད་པོ་ ཁོང་ གི་ གསུང་བོ་ ཡིན།